



Broj: 22-04-44-1/18

Sarajevo, 01.01.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ

za period od 16:00 sati 31.12.2017. do 08:00 sati 01.01.2018. godine

Profesionalna vatrogasna jedinica Kantonalne uprave civilne zaštite Kantona Sarajevo u izvještajnom periodu je imala 5 (pet) manjih intervencija gašenja vatre: zapaljeni automobil (jedna intervencija), kontejner sa smećem (dvije intervencije) i dimnjak na stambenom objektu (dvije intervencije). Pored navedenog, pripadnici PVJ su imali jednu tehničku intervenciju (zaglavljena vrata stana) i jedno obezbjeđenje javnog događaja (koncert).

Iz općinskih operativnih centara civilne zaštite s područja Kantona Sarajevo, kao i od drugih davalaca informacija, nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljudi, kao i materijalna i kulturna dobra.

Federalni hidrometeorološki zavod: Jutros u 08:00 sati temperatura u Sarajevu je iznosila +1C, vlažnost zraka 85%, a barometarski pritisak 942 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Zbog novogodišnjih praznika, do 24:00 sati 02.01.2018. godine, zabranjuje se prevoz eksplozivnih materija na području FBiH.

Zbog održavanja koncerta na lokaciji ispred Vječne vatre, doći će do potpune obustave saobraćaja u ulicama: Mula Mustafe Bašeskije (od raskrsnice sa ul. Pehlivanuša do ul. Maršala Tita), Maršala Tita (od ul. M.M. Bašeskije do raskrsnice sa ul. Radićeva), Kaptol (od raskrsnice sa ul. Mehmeda Spahe do raskrsnice sa ul. Maršala Tita), Dalmatinska (od raskrsnice sa ul. Maršala Tita do raskrsnice sa ul. M. Spahe) i Kulovića (od raskrsnice sa ul. Branilaca sarajeva do raskrsnice sa ul. Maršala Tita). Obustava će biti na snazi od 17 sati 01.01. do 02 sati 02.01.2018.god. Također, zbog montaže i demontaže pozornice, obustava saobraćaja u ulici Mula Mustafe Bašeskije bit će na snazi i od 08 do 17 sati 01.01. i od 02 do 08 sati 02.01.2018.god. U tom vremenu u ulici Maršala Tita bit će zauzeta krajnja lijeva traka.

PO OVLAŠTENJU DIREKTORA

Dežurni operativac

Mirsad Biberović

Dostavljeno:

- F OC
- a/a

